

U PB 06-02 00145 BH862

BAH

Mahathir - Kadazan

PILIHLAH PEMIMPIN KADAZAN YANG LEBIH BAIK, KATA MAHATHIR

KOTA KINABALU, 6 Feb (Bernama) -- Datuk Seri Dr Mahathir Mohamad hari ini menveru masyarakat Kadazan di Sabah supaya memilih pemimpin lain yang lebih baik daripada kalangan mereka bagi menggantikan Datuk Joseph Pairin Kitingan.

Perdana Menteri berkata, banyak lagi pemimpin lain yang bermoral tinggi dan boleh memimpin dan membela kaum Kadazan dengan lebih baik.

"Walaupun Pairin dianggap (sebagai seorang) pemimpin Kadazan tetapi dia tidak pegang kepada cakupnya dan menikam kawan dari belakang," katanya pada majlis pemimpin bersama rakyat di sebuah hotel terkemuka, di sini.

Dr Mahathir singgah sebentar di sini dalam perjalanan pulang ke Kuala Lumpur selepas mengakhiri lawatan empat harinya ke Filipina.

"Pilihlah pemimpin yang benar-benar memperjuangkan nasib kaum Kadazan. Banyak lagi orang Kadazan lain yang bermoral tinggi," katanya. -- Lagi.

▼06/02/21-00MST

CNS9215

U PB 06-02 00154 BH863

BAH

Mahathir - Kadazan 2 Kota Kinabalu

Katanya, sudah sembilan tahun rakyat Sabah berkorban untuk Pairin tetapi mereka tetap tidak mendapat apa-apa manfaat.

"Orang yang tikam kawan dari belakang juga boleh menikam orang lain," tambahnya.

Perdana Menteri berkata, perbuatan Pairin tidak menggambarkan sikap sebenar masyarakat Kadazan yang berhemah tinggi dan sentiasa berpegang pada nilai.

"Ini bukan sikap orang Kadazan. Orang Kadazan sentiasa berpegang kepada nilai," katanya di dewan yang penuh sesak dengan para penyokong Barisan Nasional (BN), terutama dari kawasan Petaias dan Sembulan.

Masyarakat Kadazan/Dusun merangkumi kira-kira 35 peratus daripada keseluruhan penduduk Sabah yang mempunyai kira-kira 40 suku kaum daripada pelbagai agama dan budaya.

Pairin dianggap sebagai pemimpin masyarakat Kadazan selepas menjadi Ketua Menteri Sabah apabila PBS memenangi pilihan raya Sabah pada tahun 1985.

Dr Mahathir berkata, beliau tidak memusuhi masyarakat Kadazan malah mempunyai banyak sahabat daripada kalangan kaum itu. -- Lagi.

▼06/02/21-12MST

CNS9219

U PB 06-02 00155 BH864

BAH

Mahathir - Kadazan 3 Kota Kinabalu

"Apa salahnya orang Sabah memilih pemimpin lain yang juga orang Sabah untuk menjadi Ketua Menteri asalkan pemimpin itu benar-benar ikhlas dan berpegang kepada janji," tambahnya.

Katanya, rakyat Sabah harus mengabaikan pilihan raya negeri kali ini sebagai suatu yang serius agar mereka dapat memilih kerajaan yang akan bersungguh-sungguh memajukan mereka.

"Walaupun ada orang Semenanjung dan Sarawak datang ke negeri ini ketika ini, mereka tidak mendapat apa-apa daripada pilihan raya ini. Mereka cuma mahu membantu agar rakyat Sabah akan mendapat kerajaan yang baik," tambahnya.

Dr Mahathir berkata, rakyat Sabah hendaklah membuat keputusan bijak kerana merekalah yang akan menerima kesan baik atau buruk selepas pilihan raya ini.

Semasa mengimbas kembali peristiwa PBS keluar daripada BN menjelang pilihan raya umum 1990, Perdana Menteri mendakwa Pairin menipu BN apabila beliau (Pairin) meminta menggunakan lambang sendiri (PBS) pada pilihan raya ketika itu. -- Lagi.

▼06/02/21-23MST

CNS9220

U PB 06-02 00140 BH865

BAH

Mahathir - Kadazan 4 (Akhir) Kota Kinabalu

"(Ketika itu) Dia janji akan terus sokong BN. Kita (BN) percaya kepadanya dan akur kepada permintaannya tanpa sedikitpun perasaan syak wasangka.

"Rupa-rupanya niat dalam hatinya tidak baik. Dia tarik diri selepas penamaan calon supaya BN tidak dapat meletakkan calonnya. Saya percaya orang PBS pun tidak tahu niatnya," kata Perdana Menteri yang juga Pengerusi BN.

Dr Mahathir berkata, sesudah itu, Pairin memainkan perasaan rakyat Sabah untuk menunjukkan seolah-olah kerajaan pusat bersalah dan tidak bertanggungjawab.

Yang turut hadir pada perjumpaan itu ialah dua calon BN, Encik Yahya Hussein dan Dr Chong Eng Leong masing-masing bagi kawasan Petagas dan Sembulan.

Dr Mahathir dan isterinya, Datuk Seri Datin Paduka Dr Siti Hasmah Mohamed Ali kemudian berlepas pulang ke ibu negara. -- Bernama.

MOK ES KAM.

▼06/02/21-24MST